

## BE.28. HATA NI JAHOWA (Eb=1)

---

B.E No. 28 HATA NI JAHOWA BL. 203

1. Hata ni Jahowa Sipadame jolma Hangoluan i  
Halalas ni roha Siapuli roha Ni na marsak i  
Gogo ni Debatangi Paluahon na porsea Sian nasa jea.
2. Nasa tinahina Tagan so ditompa Tano on dope  
Nang na tinuduan Ni sude pelean Jumpang do muse  
Sangkap ni Amana i Dipatulus Jesus kristus Jolma i ditobus.
3. Na rade di hita asi ni rohaNa Nang basaNa pe  
Nunga mate Kristus Nunga sun ditobus Hita on sude  
Sangap ma di Debata Na porsea di hataNa Do pangoluonNa
4. Hata hangoluan Do nuaeng diboan Parjamita i  
Na lambok begeon i nuaeng dilehon Tu rohanta i  
Hita on dijamita i Ai didokkon be do hita Paubahon roha
5. I do haojahan Na tongtong manahan Salelengna i  
I hajongjonganku I do haposanku Hangoluanki  
Gogongki tongtong ma i Mangihuthon tu hataNa Lao mambaen lomoNa.
6. Jesus sai tangihon Na hupangidohon Sai asi rohaM  
Lehon sipargogo Asa lao tu surgo Au tu banuaM  
Unang so tu Ho au ro I pe molo tos hosangku Tiur baen dalanku.